

schnapptet/vn fluchs heraus damit vnd meynet mancher / er habe einen guten Anschlag bringt er es heim / so hat er nicht ein geringes weniger / als er bezahlet. Will geschweigen/ daß bisweilen auch Bubenfleisch mit wirdt gewogen/vn sollte man alles heim tragen/das an der Wagen gewesen/vnd das Gewicht haben / so behielte der Meziger wol keiner Fingier an der Handt. Wie es mit dem Gewicht zugehet / mag man wol an andern Vortheilen/die sie suchen/erachten/vnnd ist wol zu besorchten/wann nicht fleissige Rüffsicht gehalten/so kauffen sie kein neuwes/wann es schon bis auff die helfste abschlisse. In Italianischer Sprach werden sie beccari genennet/vielleicht dahero/dß sie allezeit ein Unz oder zwo wissen (wie man es auch auff Deutsch nennen möchte) abzupicken / daß man es nit gewahr wirdt. Was meynt man wol / daß bey den Dorffmezigern möchte vorlauffen / so ihr Fleisch in die benachbarie Stätte zu Markt tragen? Solte nicht auch bisweilen eine todte Kuhe/Ochs oder Schaaff mit vnterauffen/ so entweder auff der Weide in einen Graben gefallen vnnd ersoffen / oder etwas Gifftiges gessen vnnd auff dem Stall gestorben were? Ich zweiffe nicht daran : Dann wann die Meziger in den Siäten bisweilen begriffen/ daß sie vngesundt Viehe schlachten vnd verkauffen: Soltens die Barren/die doch gar kein Gewissen haben/vnterlassen? Ich meyne

wol sie dorfften tansende End schweren / ihr Fleisch were gut vnd gesundt / wann es schon an einer Pest gestorben were. Es bekompt mancher eine Krankheit/weiß nicht wie: Gedenkt auch nicht an den Meziger / sondern sollte sich wol selbst bereden / er hette einen kalten trunk Wassers gethan / oder zuviel Obs gessen: Und da sich einer verlauten ließ / es hette ihn der Meziger nicht recht verschen/ sollte man nicht allein selzame Schelwort hören / sondern müsse sich wol des Garthäuser Ordens erwegen : Dann da were keine rechnung zu machen / mehr Fleisch von denselbigen zubekommen / wann man es ihm schon doppelt wolte bezahlen. Dieses sind also beides die virtia vnd die virtutes der Meziger/ über welche die Obrigkeit eine gute vnd strenge Ordnung zu halten schuldig. Dann wo solches geschiehet / vnd werden die Verbrecher ohnnachlässig mit Ernst gestraft/da kan man allerhande gut Fleisch in einem rechten vnd billichen Kauff bekommen : Wo aber nicht/so erhebt sich nicht allein eine thewring an Viehe vnd Fleisch im ganzen Landt/sondern geschiehet auch/daß man nach der kurfürst / die sie mit einem gehezten Ochsen oder Farren/wie es in etlichen Orthen vnd Länden bräuchlich/angerichtet für lieb muß nehmen mit magerem verkahmitem Kühesfleisch/mith Beinen / Därme oder Lappen / da man die Zähne mit auf dem Maul ziehen möchte.

A N N O T A T I O Über den Sechzehenden Discurs.

Es sagt Iohannes Magius , es seyen die Meziger bey den Römern Macellarii genennet worden / von einem Bürger allda / so Macellus genennet gewesen / welcher in seinem Hause heimliche Mordt vnd Todtschläge begangen/aber endlich von den Centoribus , welche Ämilius vnd Fulius gewesen/erwischet/zum Todt verurtheilt vnd alle seine Güter confiscirt worden. Sein Hauss aber/welches an der Tyber gelegen/vnnd sehr bequem gewesen/habe man den Mezigern zu einem Schlachthaus verkaufft: Welches nachmals von seinem alten Herrn Macello den Namen behalten/vnnd Macellum genennet worden / darvon die Meziger Macellarii heissen. Ist also an dem Anfang des Lateinischen Namens / nicht viel gutes.

Der Siebenzehnende Discurs.

Von den Medicis vnd Arzten.

Mir findet viel vnbessonnerer Leuthe/so mehr aus einem bosshafftigen Neyd / als aus Mißverstandt ihre gifftige Zungen wider das herrliche vnd thewre collegium Medicorum scherpffen/vnnd lassen sich beduncken sie thun recht vnd wol daran / daß sie vmb etlicher Unwissenheit oder viehischer Unbedachtsamkeit willen / alle rechtmäßige professores der Medicin veracht-

ten: Ohne einige Betrachtung einer so Adelichen Disciplin/vnd so viel vortrefflicher Ingenien / so dardurch nit allein andern geholfen/sondern auch sich selbsten zu hohen Ehren vnd Digniteten in der Welt gebracht. Wie sie derhalben mit Neyd gleichsam bershoffen/also haben sie auch alle Reden deren/so der Medicin in etwas seyndt zu wider gewesen / zusammen gerafft/vnd sich damit vnterstanden die selbige beneben ihsren Doctoribus vnd Professoribus